

Publico den banda tabatin palabranan di elogio so....

DIGICEL a conkista Parada di Flambeau 2009



"NOS a ricibi masha hopi comentario positivo. Hendenan den banda tabata yama nos di leu pa expresa nan palabranan di elogio y simpatia cu nos compania", asina Wanda Broeksema a relata despues di e participacion di Digicel den Fakkelt Optocht 2009.

"Nos semper tabata participa den Carnaval di Aruba, aunke sea na un forma mas limita. Semper nos a percura p.e. pa habri e parada di luz, etc. Pero ta prome bez cu nos ta ranca sali duro asina cu un grupo mes y nos por mira atras na un tremendo salida", di acuerdo cu e ehecitiva di mercadeo di Digicel na Aruba y henter Antiyas Hulandes.

Siendo e compania di celular cu mas ta creciendo na Aruba, Antiyas, den Caribe, Centro America y awor hasta

den Ocean Pacifico, Digicel a percura pa un bunita roadpiece di nan celebracion di prome lustro, combina cu algun bailarina y sigui su tras pa un grupo di Special Olympics, kendenan hunto cu e demas participantenan den e parada tabata bisti cu un headpiece di Digicel y un bunita T-Shirt specialmente diseña pa e temporada aki di Carnaval.

"E miembronan di Special Olympics a goza masha hopi mes durante e parada y esey riba su mes ta yena nos di alegria. Nos ta considera e organisacion como un partner di nos den tur nos eventonan y carnaval no ta un excepcion" segun Wanda Broeksema a sigura. Ela aña cu Digicel lo participa tambe den e grupo di OPC den e demas paradanan

nos dilanti.

E ekipo dinamico di mercadeo di Digicel Dutch Caribbean den pleno ambiente durante Fakkelt Optocht. Por aprecia d.r.p.d. Petra Kruis encarga cu mercadeo di Digicel na Boneiro, sigui pa Elaine Singh di e departamento di mercadeo di Digicel na Aruba, Wanda Broeksema, gerente di mercadeo pa Digicel Dutch Caribbean y tambe Lisa Canhigh di e departamento di mercadeo di Digicel na Curacao.

Durante e Fakkelt Optocht di diasabra anochi, Robert & su Solo Banda Show a sa di anima e mas di 450 participantenan den e grupo, cu tabata consisti di empleadonan di Digicel, miembronan di Special Olympics y claro....clientenan feliz di e red mas grandi y mihor.

